



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Antonii Sanderi Presbyteri, S. Th. Licentiati Hagiologivm
Flandriae Sive De Sanctis eius Prouinciae Liber vnus**

Sanderus, Antoine

Antverpiae, 1625

Reynerius Dominicanvs. Brugis.

urn:nbn:de:hbz:466:1-10172

REYNERIVS DOMINICANVS.

Brugis.

DE eo sic Cantipratanus libro secundo, Apum capi- *1. Aug.*
 te decimo parte decima nona vidimus fratrem in
 Ordine Prædicatorum de domo Brugensi in Flandria,
 Reynerum nomine iuuenem sagacem ingenio & sœcula-
 ribus litteris institutum. Hic statim, vt Ordinem ingre-
 sus est, acriter studio Theologiæ cœpit insistere, sed cum
 nondum illuminata mens nec orationibus præparata stu-
 peret ad lumen & nimiùs capax animus vento incon-
 stantiæ fluctuaret, cœpit cogitare velle discutere quem
 sectarum Iudæorum, Gentilium, Christianorum potiori
 veritatis culmine fulciretur. Videbat quidem quod Gen-
 tiles & Philosophi naturali ratione regebantur, videbat
 & Iudæos legem antiquitatis à Deo accepisse, videbat &
 Christianos euangelicis obseruationibus gloriari, sed
 quid in his certius tenendum esset segniss dubitabat, con-
 uenit ergo Iudæos discussionem legis proposuit. Sed cum
 fratres ordines vidissent ex frequenti collatione hominem
 fluctuare, arcendum eum à talibus censuerunt. At quo-
 niam arctatus ignis acrior confurgit in flamas, iuuenis
 in tantum diabolo stimulante grauatus est vt mediâ nocte
 fugam omnimodam attentaret, statim ergo ubi ad exi-
 tum portæ venit, obuia illi fit Maris stella Virgo MARIA,
 ad portum salutis demum reducitur; cui dixit, fluctuasti
 à via deuius & veritatem in fide filij mei te dubitas inue-
 nisse. Noueas certissimè quòd diuersis erroribus scatet
 per orbem gentilitas. Iudæi nihil solidi tenent, diuer-
 sis umbras sequuntur nequitiæ tenebris obfuscati:

V 3

Euan-

Euangelium verò nouæ gratiæ per hoc veritatem habere probatur, quod charitate, humilitate & castitate refulget, quæ tria in ordine quem intrafisti purgato mentis oculo prærogatiuè videbis. Ego autem sum Mater Christi Patrona Ordinis tui, quæ solita pietate passa non sum tuam castam indolem decipi vel perire: his dictis gloriofa Virgo disparuit, & iuuenem confotatum ac firmatum in fide, in magna cordis iucunditate reliquit. Hic idem in ordine tantum profecit, ut Lector in ordine fieret, & consummatus in breui ad potiora transiret. Ita Cantipratanus, è quibus liquido constat eum coelestibus beatorum Choris adiunctum.

R E M B E R T V S

EPISCOPVS BREMENSIS.

Thoroltanus.

4. Febr. **N**atus est Thorolti in Flandria, quem adhuc puerum sanctus Anscharius in eius loci Monasterio instituendum curauit; institutum verò Comitem habuit, atque in Episcopatu successorem. A Nicolao Primo Papa pallium accepit, & anno Domini octingentesimo octogesimo octo è vita excessit. Thorolti in Diœcesi Brugensi loco Monasterij superest hodiè Canonorum sancti Petri Collegium. Vide Molanum die tertia Februarij, ubi latè de sancto Anschario & Remberto agit.

ROBER-

